

MIDSUND KOMMUNE  
Kontrollutvalet

---

**MØTEINNKALLING**

Kopi til: Ordføreren  
Revisor  
Rådmannen

Medlemene av  
Kontrollutvalet

**INNKALLING TIL MØTE I MIDSUND KONTROLLUTVAL**

Det vert med dette kalla inn til møte i kontrollutvalet

**fredag, den 06.05.2011 kl. 10.30 på  
Midsund kommunehus**

**SAKLISTE:**

- Sak 09/11 - Godkjenning av møtebok frå møte 23. mars 2011
- ” 10/11 - Årsmelding 2010 – Midsund kommune
- ” 11/11 - Kommunerekneskapen 2010 – Midsund kommune

Eventuelt

Dersom det er vanskeleg å møte, gje melding på telefon 70 17 21 58 eller 97 60 57 83 til dagleg leiar eller e-post [kontrollutval@kontrollutval.no](mailto:kontrollutval@kontrollutval.no).

Helge Løken  
leiar  
(sign.)

**KONTROLLUTVALET I  
MIDSUND KOMMUNE**

**MØTEBOK**

Møtedato: 23. mars 2011, kl. 14.50

Møtestad: Midsund Rådhus

Møtet vart leia av: Helge Løken

Elles til stades:

Rita M. Ræstad og Rolf Heggdal

= 2 voterande

Frå Midsund kommune møte:

Ordførar Helge Orten, konstituert rådmann Ann-Heidi Orvik og økonomisjef Anne Oterhals.  
Leiar for Helse og Omsorg, Leif Arne Lagesen møte i sak 06/11

Frå kontrollutvalsekretariatet møte:

Dagleg leiar Harald Rogne

Frå kommunerevisjonsdistrikt nr. 3 møte dagleg leiar Kjetil Bjørnsen

Frå Kommunerevisjonsdistrikt nr. 2 møte forvaltningsrevisor Håvard Austvik i sak 07/11

Det var ingen merknader til innkalling og sakliste.

**SAK 05/11**

**GODKJENNING AV MØTEBOK FRÅ MØTE 27. JANUAR 2011**

**Kontrollutvalet sitt samrøystes vedtak:**

Møtebok frå kontrollutvalet sitt møte den 27. januar 2011 blir godkjent.

**SAK 06/11**

**OVERSKRIDINGAR - HELSE OG OMSORG**

Saksdokument datert 14.03.2011 frå kontrollutvalsekretariatet

### **Kontrollutvalet sitt samrøystes vedtak:**

1. Kontrollutvalet viser til behandling av budsjettoverskridingar for 2010 i sak 03/11 og 06/11 og ber om ei vurdering av realismen i budsjettet. Vidare ber kontrollutvalet om oversikt over iverksette tiltak utan heimel i budsjett eller kommunestyrevedtak samt rapportering og tidspunkt for rapportering til kommunestyret og eventuell søknad om tilleggsløyving.
2. Desse problemstillingane kan kome fram som ekstraopplysningar i kommunen si årsmelding for 2010.

### **SAK 07/11**

#### **SELSKAPSKONTROLL I ROMSDALSHALVØYA INTERKOMMUNALE RENEVASJONSSELSKAP RIR**

Saksdokument datert 14.03.2011 frå kontrollutvalsekretariatet vedlagt revisjonsrapport 02/11 frå Kommunerevisjonsdistrikt nr. 2 i Møre og Romsdal

### **Kontrollutvalet si samrøystes innstilling:**

1. Midsund kommunestyre sluttar seg til dei anbefalingane som kjem fram i avsnitt 7.1 i rapporten, jf også brev frå kommunerevisjonen datert 14. mars 2011.
2. Midsund kommunestyre vil gjennom sin representasjon i selskapet arbeide for at anbefalingane i avsnitt 7.2 blir oppfylt.
3. Kommunestyret ber kommunerevisjonen følge opp rapporten gjerne med ei vurdering av sjølvkostkalkylene til RIR IKS.

### **SAK 08/11**

#### **KONTROLLRAPPORT 2010 VEDKOMANDE SKATTEOPPKREVJARFUNKSJONEN I MIDSUND KOMMUNE**

Saksdokument datert 14.03.2011 frå kontrollutvalsekretariatet

### **Kontrollutvalet sitt samrøystes vedtak:**

Kontrollutvalet tek kontrollrapport vedkomande skatteoppkrevjarfunksjonen i Midsund kommune datert 08.02.2011 frå Skatteetaten til orientering..

Helge Løken  
leiar  
(sign.)

Rita M. Ræstad  
medlem  
(sign.)

Rolf Heggdal  
medlem  
(sign.)

**SUNNMØRE**  
**KONTROLLUTVÅLSEKRETARIAT IKS**

Kontrollutvalet

Dato: 03.05.2011

**SAK 10/11**  
**ÅRSMELDING 2010 – MIDSUND KOMMUNE**

Som vedlegg følger:

- Årsmelding 2010 – Midsund kommune

Etter § 10, 3. ledd i forskrift om årsrekneskap og årsmelding, skal administrasjonssjefen innan 31. mars utarbeide årsmelding, og fremje denne for det organ kommunestyret bestemmer. Dersom årsmeldinga ikkje blir fremja for kontrollutvalet, skal den oversendast kontrollutvalet før kontrollutvalet gir sin uttale til årsrekneskapen.

Årsmeldinga skal ligge føre til behandling i kommunestyret samstundes med at årsrekneskapen blir behandla.

På bakgrunn av ovanstående legg ein saka fram for kontrollutvalet med forslag om slikt

**v e d t a k :**

Kontrollutvalet tek årsmelding 2010 for Midsund kommune til orientering

Harald Rogne  
dagleg leiar

**SUNNMØRE**  
**KONTROLLUTVALSEKRETARIAT IKS**

Kontrollutvalet

Dato: 03.05.2011

**SAK 11/11**  
**KOMMUNEREKNESKAPEN 2010 – MIDSUND KOMMUNE**

Som vedlegg følger:

1. Revisjonsmelding til kommunerekneskapen 2010 - Midsund kommune
2. Midsund kommune - kommunerekneskapen 2010

Av Forskrift om kontrollutval i kommunar og fylkeskommunar § 7, framgår det at kontrollutvalet skal gje (desisjons-) uttale om årsrekneskapen til kommunestyret før årsrekneskapen blir vedtatt. Kopi av kontrollutvalet sin uttale skal vere formannskapet i hende før formannskapet gjev si innstilling om årsrekneskapen til kommunestyret.

Kontrollutvalet skal kontrollere at årsrekneskapen er ført i samsvar med lover og reglar og om kommunestyret sine målesetjingar er oppfylt. Kontrollutvalet kan følgjeleg føreslå endringar i årsrekneskapen, dersom det er skjedd føringar i strid med gjeldande regelverk. Grunnlaget for behandlinga har vore den avlagte årsrekneskapen, revisjonsmeldinga og administrasjonssjefen si årsmelding. I tillegg har ansvarleg revisor og administrasjonen supplert kontrollutvalet med relevant informasjon.

Av revisjonsmeldinga kjem mellom anna følgjande fram:

*Innan enkelte einingar er det overskridingar i høve vedteke budsjett. Det vert vist til årsmeldinga frå rådmannen der årsakene til dete er gjort nærare greie for.*

*Basert på vår revisjon av årsrekneskapen slik den er omtalt ovanfor, meiner vi at opplysningane årsmeldinga om årsrekneskapen er i samsvar med lov og forskrifter.*

Kontrollutvalet har i to møte hatt oppe til behandling overskridingar i vedteke budsjett for 2010. I siste møte vart følgjande vedtak gjort:

1. *Kontrollutvalet viser til behandling av budsjettoverskridingar for 2010 i sak 03/11 og 06/11 og ber om ei vurdering av realismen i budsjettet. Vidare ber kontrollutvalet om oversikt over iverksette tiltak utan heimel i budsjett eller kommunestyrevedtak samt rapportering og tidspunkt for rapportering til kommunestyret og eventuell søknad om tilleggsøyving.*
2. *Desse problemstillingane kan kome fram som ekstraopplysningar i kommunen si årsmelding for 2010.*

Rådmannen gir i årsmeldinga i det alt vesentlege svar på kontrollutvalet sine spørsmål. For kontrollutvalet kan det vere aktuelt å følgje med i den kvalitetsikringsprosessen som er varsla.

På bakgrunn av ovanståande legg ein saka fram for kontrollutvalet med forslag om slik

**uttale:**

1. Midsund kommune sin rekneskap for 2010 blir godkjent.
2. Kontrollutvalet vil presisere at årsbudsjettet er bindande, jf kommunelova § 47 nr. 2.

Harald Rogne  
dagleg leiar

# Kommunerevisjonsdistrikt nr. 3 i Møre og Romsdal IKS

Vår sakshandsamar:  
Solrun A. Tusvik

Vår dato:  
13.04.2011  
Dykkar dato:

Vår referanse:  
  
Dykkar referanse:

Kopi: Kontrollutvalet  
Formannskapet  
Rådmannen

Kommunestyret

## REVISJONSMELDING 2010 – MIDSUND KOMMUNE

### Uttale om årsrekneskapen

Vi har revidert årsrekneskapen for Midsund kommune, som er sett saman av balanse per 31. desember 2010, driftsrekneskap som viser kr 89 904 359,92 til fordeling drift og eit rekneskapsmessig meir-/mindreforbruk på kr 0,-, investeringsrekneskap, og økonomiske oversikter for rekneskapsåret avslutta per denne datoen, og ein omtale av vesentlege rekneskapsprinsipp som er nytta, og andre noteopplysningar.

#### *Administrasjonssjefen sitt ansvar for årsrekneskapen*

Administrasjonssjefen er ansvarleg for å utarbeide årsrekneskapen og for at den gir ei dekkande framstilling i samsvar med lov, forskrift og god kommunal rekneskapsskikk i Noreg, og for slik intern kontroll som administrasjonssjefen finn nødvendig for å gjere det mogleg å utarbeide ein årsrekneskap som ikkje inneheld vesentleg feilinformasjon, korkje som følgje av mislegheiter eller feil.

#### *Revisor sine oppgåver og plikter*

Oppgåva vår er, på grunnlag av revisjonen vår, å gje uttrykk for ei meining om denne årsrekneskapen. Vi har gjennomført revisjonen i samsvar med lov, forskrift og god kommunal revisjonsskikk i Noreg, herunder International Standards on Auditing. Revisjonsstandardane krev at vi etterlever etiske krav og planlegg og gjennomfører revisjonen for å oppnå rimeleg tryggleik for at årsrekneskapen ikkje inneheld vesentleg feilinformasjon.

Ein revisjon medfører utføring av handlingar for å innhente revisjonsbevis for beløpa og opplysningane i årsrekneskapen. Dei valde handlingane avheng av revisor sitt skjønn, herunder vurderinga av risikoane for at årsrekneskapen inneheld vesentleg feilinformasjon, anten det skuldast mislegheiter eller feil. Ved ei slik risikovurdering tek revisor omsyn til den interne kontrollen som er relevant for kommunen si utarbeiding av ein årsrekneskap som gjev ei dekkande framstilling. Formålet er å utforme revisjonshandlingar som er formålstenlege etter tilhøva, men ikkje å gje uttrykk for ei meining om effektiviteten av kommunen sin interne kontroll. Ein revisjon omfattar også ei vurdering av om dei rekneskapsprinsippa som er nytta, er formålstenlege, og om rekneskapsestimata som er utarbeidd av leiinga, er rimelege, og ei vurdering av den samla presentasjonen av årsrekneskapen.

Etter vår meining er innhenta revisjonsbevis tilstrekkeleg og formålstenleg som grunnlag for vår konklusjon.

Postadresse  
Postboks 7734 Spjelkavik  
  
6022 Alesund

Besøksadresse  
Lerstadvegen 545, 4. Etg.  
  
E-postadresse  
komrev3@komrev3.no

Telefon  
70 17 21 50

Telefaks  
70 17 21 51

Bankkonto  
6540 05 00465

Foretaksregisteret  
NO 971 562 587

*Konklusjon*

Etter vår meining er årsrekneskapen avgjeven i samsvar med lov og forskrifter og gir i det alt vesentlege ei dekkande framstilling av den finansielle stillinga til Midsund kommune per 31. desember 2010, og av resultatet for rekneskapsåret som vart avslutta per denne datoen i samsvar med lov, forskrift og god kommunal rekneskapsskikk i Noreg.

**Uttale om andre forhold***Konklusjon med atterhald om budsjett*

Innan enkelte einingar er det overskridingar i høve vedteke budsjett. Det vert vist til årsmeldinga frå rådmannen der årsakene til dette er gjort nærare greie for.

Basert på vår revisjon av årsrekneskapen slik den er omtalt ovanfor, meiner vi, med unntak av forholdet nemnt i avsnittet ovanfor, at dei disposisjonar som ligg til grunn for årsrekneskapen er i samsvar med budsjettvedtak, og at budsjettbeløpa i årsrekneskapen stemmer med regulert budsjett.

*Konklusjon om årsmeldinga*

Basert på vår revisjon av årsrekneskapen slik den er omtalt ovanfor, meiner vi at opplysningane i årsmeldinga om årsrekneskapen er konsistente med årsrekneskapen og er i samsvar med lov og forskrifter.

*Konklusjon om registrering og dokumentasjon*

Basert på vår revisjon av årsrekneskapen slik den er omtalt ovanfor, og kontrollhandlingar vi har funne nødvendige etter internasjonal standard for attestasjonsoppdrag (ISAE) 3000 «Attestasjonsoppdrag som ikkje er revisjon eller forenkla revisorkontroll av historisk finansiell informasjon», meiner vi at leiinga har oppfylt si plikt til å sørge for ordentleg og oversiktleg registrering og dokumentasjon av kommunen sine rekneskapsopplysningar i samsvar med lov og god kommunal rekneskapsskikk i Noreg.



Kjetil Bjørnsen  
dagleg leiar